

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### রোমে জাতিসংঘ সংস্থাসমূহে যুক্তরাষ্ট্রের প্রতিনিধি তাকায় আসছেন

ঢাকা, ২৪শে সেপ্টেম্বর -- রোমে জাতিসংঘ সংস্থাসমূহে যুক্তরাষ্ট্রের প্রতিনিধি রাষ্ট্রদূত আরথারিন কাজিন আগামীকাল বাংলাদেশে আসছেন। প্রাকৃতিক দুর্যোগ, জলবায়ু পরিবর্তন, খাদ্যের ক্রমবর্ধমান মূল্য ও এভিয়েন ইনফ্লয়েশ্নের প্রাদুর্ভাবের হৃষ্কির সম্মুখীন একটি দেশে খাদ্য নিরাপত্তার জন্য যুক্তরাষ্ট্র ও জাতিসংঘের খাদ্য ও কৃষি বিষয়ক সংস্থাগুলো কিভাবে একসঙ্গে কাজ করে অংশীদারিত্ব আরো জোরদার করছে তা দেখার জন্য রাষ্ট্রদূত কাজিন সেপ্টেম্বরের ২৭ থেকে ৩০ তারিখ পর্যন্ত বাংলাদেশের খুলনা, যশোর, গোপালগঞ্জ ও বাগেরহাট জেলার পল্লী জনগোষ্ঠীগুলো সফর করবেন।

গুয়াতেমালা, রুয়ান্ডা, উগান্ডা, মালাভি, জাম্বিয়া, ভারত ও বাংলাদেশ থেকে আগত একদল সাংবাদিকদের নিয়ে এ সফরে নেতৃত্ব দেবেন রাষ্ট্রদূত কাজিন। মানবিক ও কৃষি সহায়তাভিত্তিক অংশীদারিত্ব কিভাবে স্থানীয় জনগোষ্ঠীদের জীবনধারা আরো টেকসই করে তুলতে পারে সে বিষয়ে আলোচনা করার জন্য তারা একসঙ্গে কৃষক, গোষ্ঠীর প্রতিনিধিবৃন্দ, সরকারি কর্মকর্তা, ছাত্র-ছাত্রী ও স্বাস্থ্যকর্মীদের সঙ্গে সাক্ষাৎ করবেন।

প্রেসিডেন্ট বারাক ওবামা ২০০৯ সালের ১৯শে জুলাই রাষ্ট্রদূত আরথারিন কাজিনকে জাতিসংঘের খাদ্য ও কৃষি সংস্থায় যুক্তরাষ্ট্রের প্রতিনিধি হিসেবে মনোনয়ন দেন। যুক্তরাষ্ট্রের সিনেট কর্তৃক তার নিয়োগ নিশ্চিত হবার পর তিনি ১৭ই আগস্ট রাষ্ট্রদূত হিসেবে শপথ নেন। জাতীয়, আন্তর্জাতিক কর্পোরেট, অলাভজনক এবং সরকারি প্রতিষ্ঠানে নেতৃত্বান্বিত কাজিনের ২৫ বছরেরও বেশী সময় ধরে কাজ করার অভিজ্ঞতা রয়েছে। এর আগে তিনি আমেরিকায় ক্ষুধার্তদের জন্য কাজ করে এ জাতীয় সর্ববৃহৎ অভ্যন্তরীণ প্রতিষ্ঠান -- "ফিডিং আমেরিকা"র এক্সেকিউটিভ ভাইস প্রেসিডেন্ট এবং চিফ অপারেটিং অফিসার হিসেবে কাজ করেন। এই প্রতিষ্ঠানটি তখন আমেরিকার "সেকেন্ড হার্ডেস্ট" হিসেবে পরিচিত ছিল। এই সময়ে তার সবচেয়ে গুরুত্বপূর্ণ অর্জনগুলোর মধ্যে রয়েছে যুক্তরাষ্ট্র ঘূর্ণিবড় ক্যাটারিনার দুর্যোগপূর্ণ সময়ে সংস্থার নেতৃত্ব প্রদান। তার নেতৃত্বে সংস্থাটি সেসময় যুক্তরাষ্ট্রের উপসাগরীয় উপকূলবর্তী অঞ্চলের অভাবী লোকজনের মধ্যে ছয় কোটি ২০ লাখ পাউন্ডেরও বেশী খাদ্য বিতরণ করতে সক্ষম হয়।

=====

জিআর/ ২০১০

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮-৩-৭১৫০-৮, ফ্যাক্স: ৯৮৮-৫৬৮-৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।